

## M205T: Pfaffe Konrad: 'Rolandslied' (T)

- 0,1769 –[...] die unmâzen arbeit .  
0,1770 nû hât ir bedwungen .  
0,1771 die Kriechen unde die Ungeren .  
0,1772 Rûzen unde Bêheimlant .  
0,1773 die grimmen Sahren alle samet .  
0,1774 Beieren unde –[...] Swâbe .  
0,1775 unde alle die in diutischer erden wâren .  
0,1776 Wascônne unde Engellant .  
0,1777 stânt mitalle in sîner hant .  
0,1778 hispania unser rîche  
0,1779 dienet ime vorhtelîche .  
0,1780 wenne er sich des wolte gelouben .  
0,1781 nû ist er dicke verhouwen .  
0,1782 unde ist kumen in sîn alter .  
0,1783 nû mohte er sich wole behalten .  
0,1784 unde schônete sîner witze .  
0,1785 unde lieze iuch dâ heime sitzen .  
0,1786 ob iz der vürsten wille wære .  
0,1787 des wolte ich dich gerne vrâgen hêrre .  
0,1788 der herzoge dô sprach .  
0,1789 “ez en ist mir niht ungemach .  
0,1790 ez ist ein vröuwede der kristenheite .  
0,1791 unde ist ein süeze arbeit .  
0,1792 ez ist ein trôst der sêle .  
0,1793 diu ne kumet niemer mêre  
0,1794 in decheine hellewîze .  
0,1795 swer gote dienet mit vlîze .  
0,1796 wânes dû nû daz ez der keiser tuo .  
0,1797 got vorderet ez ime zuo .  
0,1798 sînen boten von himele .  
0,1799 sendet er zuo deme künige .  
0,1800 der gebiutet ime die hervart .  
0,1801 sô ne ist des dechein rât .  
0,1802 wir ne helfen ime dâr zuo .  
0,1803 ungewizzen ist ez dir nû .  
0,1804 der wârheite wirdes dû wole innen .  
0,1805 wilt dû die kristenheit minnen .  
0,1806 ich wile dir wærlîche sagen .

- 0,1807 deme keisere mac nieman geschaden .  
0,1808 got ist selbe mit ime .  
0,1809 er gibet ime kraft unde sinne .  
0,1810 unde gesterket in dâr zuo .  
0,1811 beide spâte unde vruo .  
0,1812 Karle ist der tiureste man .  
0,1813 von deme ich ie gehôrte sagen .  
0,1814 schatz ist ime unmære .  
0,1815 er versmâhet lügenære .  
0,1816 er hazzet alle bôsheit .  
0,1817 er schaffet der sêle gewarheit .  
0,1818 den lîp vüerete er veile .  
0,1819 uns allen ze heile .  
0,1820 behalten wir die sêle .  
0,1821 er ne geret niht mêre .”  
0,1822 Blanscandîz der alte .  
0,1823 vile listiclîche er sich konde erholen .  
0,1824 “dû redes wole” sprach er hêrre .  
0,1825 wir schulen dir sîn danken gerne .  
0,1826 daz dir dîn hêrre liep ist .  
0,1827 unde daz dû ime getriuwe bist .  
0,1828 solte ich die wal hân .  
0,1829 sô ne –[...] ich nie necheinen man .  
0,1830 der ich sô gerne wære .  
0,1831 wie gerne ich in noch gesæhe .  
0,1832 er hât manige tugent guote .  
0,1833 er hât hêrlich gemüete .  
0,1834 er hât küninlich leben .  
0,1835 unde hât wîse râtgeben .  
0,1836 sie beherten ime grôz êre .  
0,1837 nû sage mir ouch mêre  
0,1838 waz meinet aber daz .  
0,1839 dô unser rede wole verendet was .  
0,1840 dô quam Rolant .  
0,1841 er hâte einen apfel an der hant .  
0,1842 mit micheler hôchverte .  
0,1843 mit gevazzeteme swerte .  
0,1844 er sprach zuo deme edelen küninge .  
0,1845 “hêrre lâz uns dâr übere .  
0,1846 hin zuo Marsilien .  
0,1847 ich gelege in dâr nidere .  
0,1848 alle irdische krône .  
0,1849 geweltige ich dir zuo Rôme .  
0,1850 sie müezen dîne manne werden .  
0,1851 oder under diseme guoten swerte ersterben .”  
0,1852 wer hilfet ime dâr zuo .  
0,1853 oder waz mac er eine getuon .  
0,1854 sîne kraft wiste ich gerne .

0,1855 nû zürne niht lieber hêrre .  
0,1856 daz ich dich gevrȧget hân .  
0,1857 ich bin leider ein witzic alt man .  
0,1858 Genelûn dô sprach .  
0,1859 wir haben grôz ungemach .  
0,1860 von Rolande . unde Olivire .  
0,1861 ze wâre sagen ich dir .  
0,1862 sie sint des muotes .  
0,1863 sie gesatent sich niemer mennischenbluotes .  
0,1864 die zwelive helfent in dâr zuo .  
0,1865 swaz sie zwêne wollent tuon .  
0,1866 unde alle Kerlinge  
0,1867 habent zuo in minne .  
0,1868 alte unde junge .  
0,1869 sie pflegen grôzer zerunge